

潞安府志目次

第一卷

星野

第二卷

疆域

里鎮

第三卷

沿革

第四卷

山川

水利
橋梁

第五卷

城池

公署

第六卷

形勢

關隘
驛遞

第七卷

廟學

書院
羣祀

第八卷

風俗

物產

第九卷

田賦

貢篚
鹽法

倉儲

第十卷

古蹟

陵墓
寺觀

第十一卷

紀事

祥異

第十二卷

封建

第十三卷

節鎮

第十四卷至十六卷

職官

第十七卷

名宦

政績

第十八卷至二十卷

選舉

徵辟貢士

封廕仕進

進士例仕

舉人武科

第二十一卷

人物

名賢

第二十二卷

人物

忠烈文苑

儒林

第二十三卷

人物

孝義

潞安府志卷之五

城池

附

公署

周禮掌固掌修城郭溝池樹渠之固此設險守國之文所以重地利謹備禦也我

國家金湯永固復於先時備豫凡直省各城池歲發帑金次第興修而潞郡七屬保障鞏焉至衛民有具者亦蒞民之有所公署之設正與城池並重也寧可以傳舍而忽諸作城池志

潞安府

長治縣

潞安府志

卷之五 城池

隋置上黨縣西北有子城傳爲隋創大城應亦隋建門
四上各有樓東曰潞陽南曰德化西曰威遠北曰保寧
西北隅樓二曰看花曰梳洗而看花尤高相傳唐明皇
爲別駕時常游覽焉西南有長子樓舊有門通長子縣
稍東有八義樓舊有門通八義鎮明洪武間指揮張懷
輒焚四門各建小月城築敵臺八嘉靖七年知州周昊
請發公帑焚以甌石四面興役三時告成計周二十四
里高三丈五尺厚二丈增修城樓置敵臺三十七窩鋪
一百二十一隆慶時知縣熊鑑修濬城隍四周俱疏掘
及泉深四丈濶如之

國朝順治九年西門樓燬於火知縣王功成重修康熙九年霪雨坦圯知縣姜愷加修乾隆三十一年因牆垣堞口傾頽知府張淑渠詳請動帑重修奉委長子知縣李翔麟修四門城堦並四外磚城長治知縣吳名琅修城內土胎堞口海墁馬道并城樓角樓十五座于乾隆三十二年工竣城濠歲久淤壅丁亥八月長治知縣馮埏鳩工浚濠周三千一百九十七丈挑濶二丈深如之次年二月工竣現在西南城濠經年有水壯麗完固屹然保障矣

長子縣

舊城周二十里唐十道圖云丹朱所築晉末慕容永加
築爲都金天會間昭義節度楊天吉就東偏建小城縣
令趙惠成之賀允中繼修卽今城也周五里一百八十
步高二丈二尺厚一丈池深淺不一門四明景泰初知
縣徐充創開西小門一座門上各建樓成化十二年知
縣易鶚重修正德七年知縣史紀加修計高三丈五尺
厚二丈池深一丈五尺樓櫓舖舍一十九間題其門東
曰賓陽南曰挹薰西曰望山西小門曰觀瀾北曰拱辰
尙書劉龍記嘉靖七年知縣王密重修翰林趙時春記
隆萬間知縣劉復禮何出圖先後修葺改題西小門曰

上章後大雨城圯知縣崔爾進修之崇正間知縣陳可薦復濬重濠闊二丈

國朝順治十一年知縣張獻素甃甃城門并修樓櫓舖舍康熙二十三年知縣郭守邦重修乾隆二十七年知縣高靄奉文借款修理現在磚垛城高三丈五尺濶一丈五尺

屯留縣

唐武德五年移建故城于霍壁村元縣尹劉依仁修周四里三十步高二丈厚九尺池深一丈五尺門四各建樓於上明洪武二年知縣楚瑄景泰元年知縣楊鑑先

後加修成化十三年絳水衝北城知縣王紳移北門於舊門東五十餘步引絳水使離城北里許正德十四年知縣范璟復徙北門於故址建重樓嘉靖間知縣王正人任肅重修城舊東西濶南北狹狀類瓶故號瓶城肅乃改爲方城周圍作敵臺八三十七年知縣錢祿于東西南三門改建重樓萬歷間知縣徐鳴鶴平順主簿楊慎重修東南門并樓知縣俞汝謙重修四面城垣扁其東曰賓暘南曰迎薰西曰寧遠北曰拱辰路王道記崇正十四年知縣艾泰輓甃東西北三面

國朝順治二年知縣王昌齡輓甃南面

襄垣縣

趙襄子築舊址在甘水之北見文獻通考輿地注唐武德初築韓州新城于甘水之南金天會間邑令韓俊以鄉民依城者衆城不能容增築水南外城卽今城也周六里三十步高二丈厚八尺池深二丈一尺門四東曰東作南曰陽澤西曰西成北曰靖朔上各建樓楊丹記明洪武三年重修景泰間知縣寧智成化間知縣柳豸先後修葺正德間知縣劉明趙永淳賈樞葛紳相繼增修卑者高薄者厚并各門城樓劉龍記隆慶元年知縣李貴和撤土陴悉易以甃計一千五百有餘置甃敵臺

八座濬濠深二丈濶稱之修四門城樓創四城角樓舖舍四十餘間姚九功記崇正間知縣王懷甄甃城高三丈

國朝乾隆二十七年知縣安恒奉文借款修理又紳士趙復元等捐修續坍土城并北面護城土堤改建石工長二十一丈五尺高三丈九尺次年工竣

潞城縣

隋開皇十六年建周四里十步元至正十四年元帥關保因舊增築高二丈六尺厚一丈五尺池深一丈二尺門四上各建樓明隆慶二年知縣李思忠奉文增高至

三丈六尺置月城四座尋圯五年知縣鍾爵重修城樓及警舖萬歷間知縣馮性賢加修自爲記張鶴騰再修之崇正十二年知縣宗鴻議詳請甄燹計高三丈厚一丈五尺周八百零二丈敵臺二十四角樓二

國朝康熙三十四年城及樓漸圯知縣張士浩重修并濬濠今濠周七里深一丈五尺闊三尺

黎城縣

黎侯城在縣北十八里後魏太武初廢宋天聖三年移治白馬鎮卽今城也周四里餘高三丈東北隅依舊阜池深一丈闊稱之門三東曰拱辰南曰南薰西曰西成

元至元末知縣崔聚杜旺繼修明景泰初知縣廖靖重修正德間知縣苟京高廣門基甃以甃石門各建樓嘉靖間知縣李良能增築城垣四面各厚一丈許隆慶間知縣張遵約奉文創築敵臺二十上各建樓置角樓四三門外創建重門甃甃增雉堞一千五百有奇濬濠深廣各一丈五尺蕭繹記東城置水門及鐵柱以出城中積水縣丞劉靖建崇正十四年知縣靳之屏撤土陴悉易以甃

壺關縣

漢置縣唐貞觀十七年徙縣治於清流川始建城明洪

武二年重修周二里二百四十步東南北三門景泰初
知縣蘭興補修嘉靖十一年知縣邱鎧勸富民張絃新
闢西門匾曰通政尋塞二十八年知縣李用敬勸諭捐
金甃以甃石計高三丈五尺垛口八百四十五箇張鐸
記崇正間知縣劉士英塞垛口存其半東南隅西北隅
各建角樓一巡舖十六

國朝順治十三年知縣朱輔重修復闢西門勒石以記
康熙十八年久雨北城北南門闔閭壞敵樓亦傾知縣
章經捐修自爲記城濠向不聚水惟南關外有水一處
附公署

潞安府署在城西北隅子城內橫岡上創自隋開皇初
唐明皇爲別駕時更崇飾之金元之際燬於兵明洪
武初知州黃黼重修嘉靖年改爲府署仍舊前有坊
曰古上黨郡堂後曰補過東有軒曰委蛇西有堂曰
青蔭廨後有堂卽唐明皇所建德風亭也多有宋元
以來名公諸刻

清軍廳在府治東

移駐太義鎮

督糧廳

裁

理刑廳在清軍廳前

裁

經歷司在府治東南清軍廳前

照磨所在理刑廳前裁

司獄司在府治西裁

禾豐倉在大街西南倉巷

稅課司在大街東裁

長治縣署在城東北隅卽宋元上黨縣治明初廢嘉靖七年青陽蕩平從諫臣議乃改州爲潞安府置長治縣

國朝康熙五十九年知縣董廷楮雍正六年錢人龍增修

縣丞宅在大堂東移建西火